

Gij Saedcej Siujyoz Nanzlumz Haenx

难忘的小学生活

贵港市覃塘区蒙公乡廖瑞小学六(1)班 韦智

Mbouj geij nanz, raeuz couh yaek doxbiek lo, biek aen hagdangz gyaendei, biek gij doengzhag ngoenzngoengz guhdoihaenx. Youq ndaw siujyoz roek bi neix, louz hawj gou dauqngex gig nanzlumz, miz van, miz haemz, miz soemj……

Lij geiq ndaej, ngoenzhaenx haetromh, daengngoengz ngamqngamq daj baihoeng swng hwnjdaej, ndawsim gou gig gikdoengh dwk yamqhaej hagdangz youh gyaendei youh najseng haenx bae, gij doengzhag gou boux lawz cungj mbouj roxnaj, ndawsim gou gig lau, hoeng, gou lij geiq ndaej, dwg banhcujiyin gou——

Cinz lauxsae, de gaem fwngz gou, daiq gou bae caeuq gyoengq doengzhag roxnaj, menhmenh dwk gou caeuq gyoengq doengzhag sug lo, doxndei lo.

Lumz mbouj ndaej, gou lumz mbouj ndaej gyoengq doengzhag, dwg gyoengqde itcig gig bauyungz gou. Gou rox swhgeij beizheiq mbouj ndei, hoeng, gyoengqde mbouj dawz haeuj sim, lij caeuq gou itcaez hagsib, guhcaemz. Youq neix, gou doiq gyoengq doengzhag gangj: Doiq mbouj hwnj, yienzliengh gou gaxgonq mbouj roxsoq.

Youq ndaw roek bi neix, raeuz daj boux siujbaengzyoux mbouj roxsoq

bienqbaenz boux daeggo dahcej roxsoq lo. Raeuz doxnyangz youq ndaw seizcin roeg hemq va rang, doxrox youq ndaw seizhah mbwnndat, doxbang youq ndaw seizcou aenmak henjlgwlgw haenx, doxndei youq ndaw seizdoeng nae hausaksak haenx. Youq ndaw roek bi neix, raeuz dwg baengzyoux gig ndei lo. Gou sieng-saenq yienznaeuz raeuz doxbiek lo, danhseih sim raeuz lij lienzyouq itheij, faenh cingzngaih neix raeuz lumz mbouj ndaej hix mbouj miz gij-maz lawh ndaej de.

Seizgan gvaq ndaej gig vaiq, yaepda couh roek bi lo, gou siengj cam



bouxlaux seizgan, ndaej mbouj ndaej dawz seizgan bued menh di. Aenvih gou mbouj siengj baenzneix vaiq bizyez, mbouj siengj baenzneix vaiq biek gyoengq doengzhag ngoenzngoengz guhdoihaenx, mbouj siengj biek aen hagdangz gyaendei sugsed haenx!

(指导老师:覃海洋)



Daxmeh Gou

我的妈妈

贵港市覃塘区蒙公乡双龙小学三年级(2)班 陆好讯

Gou miz boux daxmeh gyaenz gou ndeu, de samcib lai bi lo, aenndang miz di sang, vunz byom di, yienhndaej gig reux. Daxmeh gou miz doiq bwnda gungjetget ndeu, youh saeq youh ndaem, gig ndei yawj, doiq da de ndaemlik singjsag, aenndaeng gig sang, aenbak mbouj hung mbouj iq ndei yawj dangqmaz.

Daxmeh gou gig gyaenz gou, youq ndaw uk gou miz haujlai saeh lumj raemx lae ityiengh gipgip lae bae, hoeng miz gienh saeh ndeu itcig louz youq ndaw uk gou. Youq gou doeg ngeih nienzgaep seiz, gou youq gwnz cauhcangz guhcaemz seiz, sawqmwh daraiz laemx youq gwnz dieg, seizhaenx lauxsae caeuq doengzhag cungj hwk lau lo. Daxmeh cingq youq ndaw reih guhhong, de ciepdangz dienhvah lauxsae le, gipgip muengzmuengz daj ndaw reih ganj daengz hagdangz, dawz gou soengq bae daengz yihiyen. Gou singj gvaqdaej le, cij raen daxmeh simgip naengh youq henz gou, gwnz naj cungj dwg hanh, buhvaq deng hanh cimq dumz lo, gok da lij daiq miz raemxda, cigdaengz canghyw vih gou genjcaz sat gangj mbouj miz saeh le, daxmeh cij soeng gaemz heiq ndeu.

Daxmeh yienznaeuz gig gyaenz gou, hoeng doiq gou hix gig yenzgwz, moix baez gou famhloek le cungj ndoj mbouj gvaq lwgda daxmeh. Moix baez gaujsi gvaq le, daxmeh cungj bang gou faensik vih gijmaz guh loek.

Neix couhwdg daxmeh gou, de hawj gou sengmingh, sawj gou angqyangz vuenyungz majhung, son gou baenzlawz guh vunz guh saeh. Gou gyaenz daxmeh gou.

(指导老师:覃庆赔)

Gou Caiq Hix Mbouj Godog Lo

我再也不孤独了

贵港市覃塘区蒙公乡古山小学六年级 韦国奥

Youh dwg seiz roengzdangz mbouj miz yinxdaeuz, youh dwg gij doiqvah mbwqmbwt, youh dwg aenngaeuz dandog. Henz ndang gou cijmiz aenngaeuz ndaemndet, angqyangz gou cijmiz hoengheiq rox, siengsim gou cijmiz daengngoengz dingq, neix couhwdg gaxgonq gou, godog mbouj miz baengzyoux.

Ngoenzhaenx, Siujvanh doiq gou gangj:



“Mwngz rox mwngz vih maz mbouj miz baengzyoux lwi?” “Mbouj rox.” Gou siengsim dwk naeuz. “Neix dwg aenvih mwngz cungj mbouj nyienh’eiq ciq doxgaiq hawj bouxwnq.” “O!” Gou fwt singj gvaqdaej. Gaxgonq doengzhag ciq doxgaiq gou, gou cungj ra lijyouz mbouj hawj, doengzhag cam gou vwndiz, gou cungj mbouj leixlangh. ldingh aeu gaij! Gou caegcaeg roengz gietsim.

Gou cawjdoengh bae caeuq doengzhag ganggoj, caeuq gyoengqde guhcaemz, daujlun vwndiz mbouj rox haenx, byawz miz gunnanz gou cawjdoengh bae bang…… Yienghneix, baengzyoux daej lo, Siujbungz、Siujveih、Siujswng、Siujanh……Gou aeu caenhrengz bae bang doengzhag gou bang ndaej daengz haenx, hawj baengzyoux gou engq lai.

Youjyiz, hawj gou youq ndaw laepngau yawjraen aendaeng ronghsag, hawj gou ndek godog bae, madaengz aen seiqgyaiq miz baengzyoux haenx.

(指导老师:黄吉星)

Neix Couhwdg Gou

这就是我

贵港市覃塘区蒙公乡
古山小学四年级 詹琪琪

Gyoengq baengzyoux sou siengj rox gou dwg boux vunz baenzlawz yiengh lwi? Neix gou couh gag gaisau swheij ba.

Gou dwg boux hagseng seiq nienzgaep, bineix cib bi lo. Gou miz aen naj hausag ndeu, naengbak gou daegbied hoengz, vunz mbouj rox lij laihnaeuz gou dwg daz naengbak cij hoengz ne. Doiq da gou ndongqliklik luenzlulu, yienghceij gou gig hawj vunz gyaenz.

Mwh gou lij iq, daxboh daxmeh gou couh okbae dajgoeng, gou dwg youq ranz daxdaiq majhung, gou miz di gag yawjsiuj swheij, mbeiiq, youq gwnz godangz mbouj gamj hoizdap gij vwndiz lauxsae daezok haenx. Gou gig swnh, gou gyaenz ciengx doenghduz iq, hix

gyaez ndaem va’nywj, gou ciengx gvaq duzma, hix ciengx gvaq byagim caeuq duzgvi.

Gou gyaenz vehveh, gou veh Haijmenz Baujbauj daegbied ndei yawj, daxboh daxmeh cungj naeuz gou veh ndaej lumj caen ityiengh. Gou sij gij cih mauzbit hix haemq ndei, ciengzciengz ndaej daengz lauxsae haenx.

Gyoengq baengzyoux, seizneix sou rox gou dwg boux vunz baenzlawz yiengh luba, dwggyaez lwi?

(指导老师:韦凤玲)

